

乾
象
通
鑑

乾象通鑑卷第九十五

河間府免解進士臣李季奉

聖旨編

五星摠論上

五星比象論

五星得位論

五星入廟論

五星下降論

五星相合論

五星相開論

月蝕五星論

五星變色論

五星出不出論

五星伏見論

五星在陰論

五星比象論

天文別錄曰凡五星有色大小不同而各有比象五星色青比參左肩五星色赤比心大星五星色黃比參右肩五星色白比狼星五星色黑比奎大星不失本色而應其四時者吉害其行者凶

古今星釋曰凡五星之色各象四時而比擬之歲星在春如大角而有精光仲春之時有芒角熒惑在夏色比心大星而有精明仲夏之時有芒角鎮星在四季之時其色正黃比北極中央大星而精明有芒角太白在秋其色比狼星精明而光仲秋之

時有芒角辰星在冬其色比奎之大星精明而有
光冬至之時有芒角歲星之色在春比左角而青
有精明當其夏也其色尚青所宿國主弱臣強當
其秋也其色尚精明所宿國有相死當其冬也其
色尚如左角所宿國臣下專政熒惑之色在夏比
心之大星有精明仲夏有芒角當其秋也其色尚
青有精明所宿國相蔽主聰當其冬也其色尚有
芒角所宿國不可舉事用兵當春也其色尚如心
之大星所宿國諛臣用事妬能嫉能鎮星之色在
四季之時其色正黃比北極中央大星而精明有

芒角當四孟之月其色尚黃而精明所宿國臣下
專恣人君受制當四仲之月其色尚黃而有芒角
所宿國女主請謁行又月女主擅政太白之色在
秋其色比狼星精明而有光仲秋之時有芒角其
色尚精明而有光所宿國有急兵亦曰軍破將死
當其秋也其色尚精明而有芒角所宿國武吏縱
橫亦曰將有叛志當其夏也其色尚如狼星所宿
國不有破軍必有屠城辰星之色在冬比奎之大
星精明有光冬至則有芒角當其春也其色尚精
明而有光所宿國大水當其夏也其色尚精明而

有芒角所宿国大臣受禍當其秋也其色尚比奎
之大星所宿国女主有憂亦曰後宮有憂

五星得位論

天文別錄曰凡五星所出行所直之辰其國為得位
得位者歲星以德熒惑有禮鎮星有福太白兵強
辰星陰陽和又曰五星得位者勝所直之辰順其
色而角者勝其色害者敗晉灼曰鄭色黃而赤蒼
小敗來色青而赤黑小敗楚色赤黑小敗燕色黑
黃小敗皆大角勝也

古今星釋曰凡五星循軌不失本色所直之辰所宿

乏國為得位及色勝者國昌不得其位及色不勝者國亡人君有德則歲星德其位色青而潤澤者勝人君有禮則熒惑得其位色赤而潤澤者勝人君有福則鎮星得位色黃而潤澤者勝人君兵強則太白得其位色精明而有光者勝人君順陰陽之序使無愆忒則辰星得其位色蒼而微有光者勝五星反是者敗

大象旁通曰凡五星得位者所宿國昌五星失位所宿國亡故星傳以爲得位者謂五星所出所行所直之辰其國爲得位順其色而有角者勝其色害

者敗居實君有德也居虛君無德也色勝位行勝色行德尽勝之

五星入廟論

河圖遺書曰營室為清廟歲星廟也心宿為明堂熒惑廟也南斗為文太室鎮星廟也亢星為䟽廟太白廟也七星為員宮辰星廟也五星行至其廟謹候其行

古今星釋曰五星循軌順入廟宮所宿國昌其野人君有福若五星逆行失度入廟宮是謂逆入其下歲飢人相食亦曰有暴兵起

大象旁通曰歲星順守廟宮其野歲穰若逆入廟宮
其野歲歉民飢受惑順守廟宮其國人君有益地
之喜若逆入廟宮其國人主有憂亦曰禁廷有災
鎮星順守廟宮其國有德令以及天下若逆入廟
宮其國禮樂法度不自天子出太白順守廟宮其
國兵強軍威大振若逆入廟宮其野軍覆將死一
曰有亂兵辰星順守廟宮其野徙都市

五星下降論

河圖遺書曰凡五星盈縮失位其精降于地為人歲
星降而為貴臣熒惑降而為童兒歌淫嬉戲鎮星

降而爲老人婦人太白降而爲壯夫處於林麓辰
星降而爲婦人吉凶之應隨其象占之

古今星釋曰凡五星越舍而盈退舍而縮不循軌度
而失其位則其精必降于地精降而爲人吉凶禍
福各隨其行止以占之歲星越舍而失位其精降
于地爲貴臣多衣金紫手有所執行則有被黜大
臣止則政令不通下情若退舍而失位其精降于
地爲貴臣多冠冕手无所執行則有急政以酷民
止則人君有憂亦曰有疾疫癘惑越舍而失位其
精降于地爲兒童歌謠嬉戲則其国有火災若退

舍而失位其精降于地為兒童悲哀哭泣則其國
有大喪鎮星越舍而失位其精降于地為老人行
則其國興土功臣勞怨正則其下有急兵若退舍
而失位其精降于地為婦人行則其下有強臣止
則其野有走君太白越舍而失位其精降于地為
壯夫處于山林行則其國以兵亡止則其下有亂
君退舍而失位其精降于地為壯夫處于田野行則
其野有徙都市止則其國有死君亦曰有大兵喪
辰星越舍而失位其精降于地為婦人行則其國有
主憂止則有女喪

五星相合論

同舍為合相陵為聞二星相近其殃大五星相遠毋傷以七寸內心占之

天文志曰凡五星木與土合為內亂飢荒木與水合為變謀而更事木與火合為飢為旱木與金合為白木之會合聞國有內亂野有破軍為水太白在南木在北名牝牡穀大熟金在北木星南年或有或無

火與金合為燠為喪不可舉事用兵從軍為軍憂離之軍却出太白陰分軍出其湯偏將戰火與土合為憂主尊卿與水合為北軍用兵舉事木收一日火與水合為淬不可舉事用兵

土與水合為塵沮不可舉事用兵有覆軍敗師土與金合為疾為白衣會為內兵其國土地土與木合

國飢

水與合金為變謀為兵憂入太白中而出破軍殺將客勝下出客亡地視其所指以命破軍

漢成帝河平二年十月下旬鎮星在與鬼先到歲星
熒惑亦貫與鬼十一月上旬歲星熒惑西去鎮
星西北逆行占曰三星若合是謂驚立是謂繞行
外內有兵喪改立王公其十一月丁巳夜郎王頡
大逆不道梓桐太守立捕殺頡二年九月甲戌東

郡莊平男子侯毋辟兄弟五人群黨為盜攻燔官
寺得縣長吏盜取印綬自稱將軍三月辛卯左將
軍千秋卒四年四月戊申梁王實薨

後漢和帝永元七年八月甲寅水土金俱在軫春秋
緯曰五星入軫者為兵大起至咸日五星入軫者
司其書而數之期二十日皆為兵喪司始入處之
卒一日期十日軍罷石氏經曰辰星守軫歲水却
萌曰鎮星出入留舍軫六十日不下必有大喪春
秋緯曰太白入軫兵大起却萌曰太白守軫必有
死王後八年樂成王黨七月樂成王宗皆薨將兵

長吏吳岑坐事徵下獄誅十月北海王威自殺十
二月陳王羨薨又曰三星合軫為白衣之會

晉元帝建武元年五月癸未太白熒惑合於東井占
曰金火合曰樂為喪是時愍帝蒙塵于平陽七月
崩于冠庭

太興二年七月甲午歲星熒惑會于東井占曰為兵
飢二年六月丙辰太白與歲星合于房永昌元年
王敦攻京師六軍敗續王敦尋死

晉成帝咸康七年三月太白熒惑合于太微中犯左
執法明年顯宗崩

晉穆帝永和七年三月戊子歲星熒惑合于奎其年
劉頭殺石祗及諸胡師中土大亂

晉安帝元興三年二月壬申太白熒惑合于羽林二
年十一月桓玄篡位于帝于永安宮三年二月劉
裕起義兵桓玄逼帝東下

義熙二年十二月丁未熒惑太白皆入羽林又合于
壁三年正月慕容超寇淮北徐州至下邳八月遣
劉敬宣代蜀

五星相闢論

天文志曰五星同舍為合五星相陵為闢二星相近

其殃大相遠无傷皆以七寸内必之

凡木火土金與水聞皆為戰兵不在外皆為内乱水環繞太白若與聞大戰客勝

古今星釋曰歲星逆行不循軌度而陵太白是謂逆聞其野金不從華國多暴兵亦曰无兵起歲星越舍而陵熒惑是謂盈聞其野多火災不尔大旱歲星退舍而陵鎮星是謂縮聞其下多土功民勞怨歲星失行失色而陵辰星是謂失聞其國多大水亦曰有兵喪熒惑逆行不循軌度而陵歲星是謂聞之逆也其國歲凶民大飢熒惑越舍而陵太

白是謂盈陵而開之爍也其下多兵大熒惑退金
而陵鎮星是謂縮陵開之反坐也其国多水旱熒
惑失行失色而陵辰星是謂失位而開之淬合也
臣下多陰謀鎮星逆行不循軌度而陵歲星是謂
陵制而開之尅也其国多土後違農時民怨為盜
鎮星越舍而越陵熒惑是謂盈陵而開之反常也
其下多奸謀亦下謀上鎮星退舍而陵太白是謂
縮陵而開之復生也其国多急兵亦曰軍政急鎮
星失行失色而陵辰星是謂癰疽也其国江河暴
決洪水橫流泛濫于天下太白逆行不循軌度而

陵歲星是謂反制其國多暴令亦曰有苛酷之政
以害民太白越舍而陵熒惑是謂盈縮而聞之甚
也其國以兵亡太白退舍而陵鎮星是謂縮勝而
聞之淺也其下有兵、止无兵、起太白失行失
色而陵辰星是謂失經其國多陰事亦曰女主擅
權辰星逆行不循軌度而陵歲星是謂易常其下
多飢民余貴人死亦曰水災辰星越舍而陵熒惑
是謂涿令聞之災也其野有大兵喪辰星退舍而
陵鎮星是謂失道其下王道不行辰星失行失色
而陵太白是謂溺本其下多大水舟船入井邑市

人操舟楫柔責民飢

漢孝成帝建始四年七月熒惑踰歲星居其東北半寸所如連理時歲星在閏星西四尺所熒惑初從畢口大星東北往數日至往疾去逢占曰熒惑與歲星聞有病居歲飢至河平無年三月旱傷麥氏食榆皮二年十二月壬申太皇太后避時昆明來觀晉惠帝永寧二年十一月熒惑太白開于虛危占曰大兵起破軍殺將虛危又齊分十二月熒惑龍太白于營室占曰天下兵起亡君之戒一日易相初齊王罔寒京都因留輔政專傲无君是自戕者

河間檄長沙王又討之罔又交戰攻焚宮闕同兵
敗薨滅又殺其兄上軍將軍實以下二十餘人太
安二年成都又攻長沙於是公私飢困百姓力屈

月蝕五星論

天文別錄曰凡月蝕五星其國棄祀月蝕歲星天下
大飢月蝕熒惑天下大亂月蝕鎮星入君好殺月
蝕太白強國侵陵月蝕辰星則有內亂亦曰有女
亂各以其所在之國命之

陳卓叙書曰月蝕五星其國皆亡五星入月其野有
逐相又曰凡星入月見月中為星蝕月、奄星、

滅為月蝕星

古今通占曰月蝕五星其國皆亡歲以飢熒惑以亂鎮以殺太白強國以戰辰以女亂

漢宣帝地節元年正月戊午乙夜月蝕熒惑

孟康曰此星入

月見月中為星蝕月月蝕五星成為月蝕星

占曰有死王期皆一年遠

二年是時楚王延壽謀逆自殺

漢成帝建始四年十一月乙卯月蝕鎮星、不見特

在輿鬼西北八九尽所占日月蝕鎮星流民千里

河平元年三月流民入函谷關

後漢孝明帝永平十五年十一月乙丑太白入月中

為大將戮人主亡不出三年後三年孝明帝崩

五星變色論

石申占曰凡五星之色各有常失其常則為變五星
之色各隨其變以占之

荊州占曰歲星在東方之宿色當青若赤若白皆為
兵黑則有喪歲星在西方之宿色當白而角色青
有憂色赤有兵色黑則有大兵喪歲星在北方之
宿色當黑而色青有憂色白有兵色白而角有兵
又曰歲星正見南方芒角黃白指子午卯酉王者
心正若坐邪角不正及變色則王者心不正青白

赤色皆有急兵

熒惑在東方之宿色當微青而赤若白若黑為急兵
若大青而角則破軍殺將熒惑在西方之宿色當
微赤而白若青若黑為女喪若白而角其野更政
熒惑在南方之宿色當政赤而精明若青若白其
野内外有喪若黑而角則其国有哭泣事熒惑在
北方之宿色當赤而微若青若白其野有急政若
大赤而角其国亡君

太白在東方之宿色當白而微黃若赤若青其野有
兵興喪若太白而出怒角其下有政立侯王太白

在西方之宿色當政白而精明若青若赤其下人
君有憂若黑而微其目有亡地亦曰有屠城太白
在南方之宿色當白而微赤若青若黑其下大水
民飢若大赤而出怨角其野大旱民飢太白在北
方之宿色當蒼白而潤澤若赤若青其下人君有
憂若色蒼而出怨角其國君无出宮下有伏兵
辰星在東方之宿色當蒼白而精明若赤若黑其下
大水若大白而角其國有酷令在西方之宿色當
青白而微无若赤而角其國有軍變殺主將辰星
在南方之宿色當青黑而光潤若赤若白其國有

諛諂害志良辰星在北方之宿色當精明而潤澤
若青若赤其國將棄祀亦曰國祚將亡

鎮星在四季之時其色正黃精明而有芒角若青若
赤其國多亂兵在秋則其色當无精明若青若白
蒼赤其國多土役在冬則其色當赤黑細小不明
若復精明若有芒角其國歲歉人相食在春則其
色當青白細小不明若不青不白其國有峻令若
明大而不細小則其國多妖言害政令

五星出不出論

河岳遺書曰凡五星分天之中積于東方中國利積

于西方外國用兵者利辰星不出太白為客其出
太白為主與而太白不相從及各一出方為格野
雖有軍不戰

古今星釋曰歲星當出而不出其國歲凶未當出而
出其野有內憂憂惑當出而不出其國有兵喪未
當出而出其野有大變鎮星當出而不出為內兵
為急戰未當出而出為兵飢太白當出而不出是
為失舍其下下有破軍必有亡國未當出而出是
為越舍其下有破國辰星當出而不出其下有大
水災傷禾稼食貴民飢未當出而出其國有大兵

表亦曰有女表

星傳曰凡五星之出不出繫乎人君之政緩急也歲星政緩則不行急則過分逆則占變惑政緩則不出急則不入違道則占鎮星政緩則不還急則過舍逆則占太白政緩則出急則不入逆則占辰星政緩則不出急則不入非時則占

漢三年秋太白出西方有光彗中乍北乍南過期乃入辰出四孟是特項羽為楚王而漢已定三秦與相距滎陽太白出西方有光彗中是秦地戰將勝西漢國將興也辰星出四孟易王之表也後二年

漢滅楚

辰星當出四件而出
曰孟乃帝王之象也

漢孝昭帝始元中太白出西方下行一舍復上行二舍而下去太白山上復下將有戮死者後太白山出東方入咸池東下入東井人臣不忠有謀上者其後左將軍桀驃騎將軍安與長公主燕刺王謀作亂咸伏其辜兵誅烏桓

漢孝宣帝本始二年七月壬戌中夜辰星與參出西方其二年十月辛亥夕辰星與翼出皆為蚤占曰大臣誅

五星伏見論

天文別錄曰五星者五德之主其行入黃道裏或出黃道表猶月行出有陰陽道也然出入無常或不
可以算數求也其東行曰順西行曰逆順則疾逆
則遲通而率之終為東行矣不東不西曰留與日
相近而不見曰伏、與日同度曰合其留行逆順
掩合犯陵變色芒角凡其所主皆依時政五常五
官五事之的失而見變

天文摠占曰凡五星見伏留行逆順遲速應歷度者
為的其行政合于常違歷錯度而失路盈縮者為
乱行乱行則為天矢彗孛而有亡国弔政兵飢喪

亂之禍云

古歷五星並順行秦歷始有金火之逆又甘石氏並
時自有差異漢初測候乃知五星皆有逆行其後
相承罕能察至後魏末清河張子信學藝博通尤
精歷數因避葛榮亂隱於海島中積三十許年專
以渾儀測候日月五星差變之數以筭步之始悟
日月交道有表裏遲速五星伏見有感召向背言
日行在春分後則遲秋分後則速合朔月在日道
裏則日蝕若在日道外雖交而不虧月望值交則
虧不問表裏又月行遇木火土金四星向之則速

皆之則遲五星行四方列宿各有好惡所居過其好者則留多行遲見早過其惡者則留少行速見遲與常並差少者差至五度多者差至三十許度其辰星之行見伏尤異晨應見在雨水後立夏前夕應見在處暑後霜降前者並不見啓蟄立夏立秋霜降四氣之內晨夕去日前後三十六度內十八度外有木火土金一星者見無者不見後張曹玄劉孝孫劉焯等依此差度為定入交蝕分及五星定見定行與大密會皆古人所未得也

五星在陰論

天文別錄曰凡五星之行入黃道裏或出黃道表猶月
行出有陽道也若歲星失行在陰其下歲大荒亦
曰有兵飢熒惑失行在陰其国有火災亦曰有誅
伐事鎮星失行在陰其国有土役勞民力太白失
行在陰其下有急兵亦曰有死將辰星失行在陰
其国大水災毀城邑傷人民凡五星在陰各以其
合命国而吉凶在焉

漢孝景帝四年七月癸未火入東井行陰占曰為誅
罰又為火災後二年有栗氏事後未央東闕災

乾象通鑑卷第九十六

河間府免解進士臣李季奉

聖旨編

五星摠論

五星所主論

五星常色論

五星色圓論

五星有角論

五星繫八卦論

五星經天論

候五星論

五星合聚論

回星合聚論

三星合聚論

五星所主論

天文別錄曰歲星主泰山徐州青州兗州樊惑主霍
山揚州荊州交州鎮星主嵩高山豫州太白金華
陰山涼州雍州益州辰星主恒山冀州幽州并州
古今星釋曰歲星主角亢氏房心尾箕楚惑主輿鬼
柳七星張翼軫鎮星主東井太白金奎婁胃昂畢
嘴參辰星主斗牛女虛尾室壁

五星常色論

天文志曰凡五星有色、變有類凡五星青皆比參
之左肩五星色赤比心之大星五星色黃比參之
右肩五星色白比狼星五星色黑比奎之大星若

五星不失本色而應其四時者吉色害其行者凶
天文摠占曰歲星之色春青而有精光仲春之時有
芒角冬色白精光芒角夏色赤黃而精明四季色
青微黑秋色細不明其色如常則天下和平失常
則變、則凶各以其舍命國所在熒惑之色夏赤
而有精明仲夏之時有芒角春色精明无芒角四
季色黑黃精明秋色清白不明冬色黑黃細而不
明其色如常則天下和平失常則變、則凶各以
其舍命國所在鎮星之色四季時正黃而精明有
芒角秋色无精明各色赤黑細小不明春色青白

細小不明其色如常則天下和平失常則變、則
凶各以其舍命國所在太白之色在秋則精明而
有光仲秋之時有芒角四季之色精明而無芒角
在冬則無精明而無光在春之色青黃而不明在
夏則色細小而不明在秋則其色无精明而无光
其色如常則天和平失常則變、則凶各以其舍
命國所在辰星之色在冬則精明而有光冬至之
時有芒角在秋則其色精明無芒角不搖光在春
則其色蒼黃微小无精明在夏則其色黃小黑如
不明其色如常則天下和平失常則變、則凶各

以其令命國所在

五星色圖論

河圖遺書曰凡五星色皆國白為喪為旱五星色圖
赤中不平為兵五星色圓青為憂為水五星色圓
黑為疾疫為多死五星色圓黃為吉

天文志曰凡五星同色天下偃兵百姓安寧歌舞以
行不見疾災五谷蕃昌

五星有角論

河岳遺書曰凡五星有角而赤兵犯我城五星有角
而黃其地爭五星有角而白有哭泣聲五星有角

而青則有兵憂五星有角而黑則有大水

古今星釋曰歲星出怒角而赤其野大旱出怒角而

青其下有憂出怒角而白其下有急兵出怒角而

黑如不明其野有陰謀出怒角而黃潤其野大穰

古今注曰歲星出角各以五色占之謂
非特出怒角而不得四時常色者此也

變或出怒角而赤其國多火災亦曰旱荒出怒角而

青其國君多內憂亦曰有失喪出怒角而白其野

邊將為亂出怒角而黑如不明其國有匿謀亦曰

有女主擅權出怒角而黃潤其國益地

古今注曰
災或出一

角夫牽其幾淺出二角其幾
深出四角已上其為禍尤甚

鎮星出怒角而赤其国多土功民勞怨出怒角而青
其国有飢民出怒角而白其下有死將出怒角而
黑如不明其国有水患出角而黃潤其野人君有吏
太白出怒角而白其下有覆軍殺將亦曰国以兵亡
出怒角而赤其国有兵火出怒角而青其下有叛
將出怒角而黑似不明其国有女主喪亦曰後宮
有憂出南而黃潤其大將受賞

辰星出怒角而黑似不明其野大水飄泛井邑出怒
角而青其国水飢民困出怒角而赤其国大旱有
兵火出怒角而白其国有内乱亦曰禁衛有变出角

而黃潤其野王者有喜慶事

大衆旁通曰凡五星的常色則精明而光澤不的其
常則出怒南卡東卡西卡動卡靜各隨五色以占
之而吉凶在焉

五星繫八卦論

古今星釋曰凡五星居四正與四隅之方皆曰繫八
卦各隨星所繫而命其卦則吉凶可知矣歲星失
行更色繫手乾則其國君有憂歲星繫坤其野地
動民災歲星係坎其野大水荒歲星繫艮其野山
離其野大旱歲星繫震其國歸令不振歲星繫巽

其野山崩或山鳴歲星係巽其國人君无德歲星
繫兌其国多土功民怨怒

熒惑失行变色繫手乾其国有内憂亦曰内廷有大
災熒惑繫坤其野有女喪熒惑繫坎其国水旱不
時熒惑繫離其国多水災熒惑震人君憂喪熒惑
繫艮其国有兵變熒惑繫巽其国小人乘君子之
器熒惑繫兌其国有暴政民怨

鎮星失行变色繫手乾其国君有急政以毒民鎮星
繫坤其下有女主擅国政鎮星係坎其国后族朋
黨盛朝士側目鎮星繫離其国多土功鎮星係震

其下德政大壞鎮星係艮其國不寧亦曰有不庭
方鎮星係巽人君无德令以及民鎮星繫兌其下
民怨

太白失行变色繫乎乾其國有死君亦曰用兵亡國
太白繫坤其下女主有陰謀太白繫坎其國江河
暴決禾稼傷人民溺太白繫離其國多兵火太白
繫震其國軍政隳廢號令不專太白繫艮其國有
變謀太白繫巽其國君无德太白繫兌其下失三
軍心亦曰百姓有離心

辰星失行变色繫乎乾其國大水入都市辰星繫坤

其国后族于時政辰星繫坎其国洪水橫流泛濫
于天下辰星繫離其野有大旱之荒辰星繫震其
国多雨水辰星繫艮其国有山崩地陷之危辰星
繫巽其野多大風拔巨木飄屋瓦辰星繫兌其国
有水患興土役勞下民

五星經天論

天文別錄曰木土火三星行遲夜半經天其始皆與
日合度而後順行漸遲追日不及晨見東方行去
日稍遠朝時近中則留、經旦過中則逆行逆行
至夕時近中則又留、而又順先遲漸速以至于

夕伏西方乃更與日合金水二星行速而不經天
自始與日合之後行速而先日夕見西方去日前
稍遠夕時歛近南方則稍遲、極則留、而近日
則逆行而合在于日後見東方逆極則留、而後
遲、極去日稍遠旦則歛近南方則速行以追日
展伏于東方復與日合此五星合見遲速逆順留行
之大經也

漢天文志曰昏旦者陰陽之大分也南北者太陽之
位而天地之經也七曜行至陽位當天之經則虧
其留逆而不居焉此天之常道三星經天二星不

經天三天兩地之道也

陳卓叙占曰自古歷法無木火土三星經天謂行遲也金水二星不經天謂行速也是亦三天兩地之道也用是推之此天之常道也及其變也五星之行盈縮伏留遲速逆順之異不可以常道言也五星俱有經天之理明矣

古今星釋曰歲星經天其國大飢人相食變惑經天有兵火鎮星經天其國大旱亦曰有土功太白經天有急兵亦曰目以兵亡辰星經天其國大水

秦始皇時有太白經天占曰國棄祀宗社亡國因以

漢楚並兵相距藉秦遂以亡

晉惠帝永寧元年自正月至于閏月五星互經天縱橫元常星傳曰日陽君道也星陰臣道也日出則星亡臣不得專也昼而見午上者為經天其占為不臣為更王今五星悉經天、變所未有也

石氏說曰辰星昼見其國不亡則大亂是后台鼎方伯在執大權二帝流亡遂至六更更王迭據華夏亦載籍所未有也其四月歲星昼見五月太白昼見同前

晉安帝義熙元年至十四年太白經天者九皆羊代

更王臣失君之象也是後劉被受宋公帝遜位于宋

候五星論

海上通占曰凡五星見伏留行逆順遲速應歷度者
為的其行政合于常進違歷錯度而失終盈縮為
亂行亂行則有亡國革政兵急喪亂之禍云

歲星政緩則不行急則過分逆則占變或政緩則不
出急則不入違道則占鎮星政緩則不還急則過
舍逆則占太白政緩則不出急則不入逆則占辰
星政緩則不出急則不入非時則占凡星五不失
行則年谷豐昌

河岳遺書曰秦之強候太白占狼弧吳楚之強候熒惑占鳥衡燕齊之強候辰星占虛危宋鄭之強候歲星占房星晉之強亦候辰星占參秦并吞三晉燕代濟山以南者中國中國于四海內則在東南為陽、則日歲星熒惑鎮星占於街南畢主之其西北朔貉月氏旃裘引弓之民為陰、則月太白辰星占於街北昂主之故中國山川東北流其維首在隴蜀尾沒於渤海碣不是以秦晉好用兵復占太白太白血主中國而胡貉教侵掠獨占辰星辰星出入躁疾常主變狄此其大經也

太歲在四仲則歲行三宿歲在四孟四季則歲行二宿二八十六三四十二而行二十八宿十二歲而周天

候熒惑

常以十月入太微受制而出行列宿司无道出入无常也

候鎮星

常以甲辰元始建斗之歲行一宿二十八歲而周天也

候太白

常以正月甲寅與熒惑晨出東方二百四十日而一

入四十日又出西方二百四十日而入、三十五日而後出東方出以寅戌入以丑未也

候辰星

常以二月春分見奎婁五月夏至見東井八月秋分見角亢十一月冬至見牽牛出以辰戌入以丑未二旬而入晨候之東方夕候之西方也

五星合聚論

天文別錄曰凡五星所聚各以其事致天下四星從歲星以義四星從熒惑以礼四星從鎮星以重太白以兵從辰星以法從各以其事致天下也

五星若合是謂易行有德受慶改立王者奄有四方
子孫蕃昌亡德受殃離其家滅其宗廟百姓離去
被滿四方五星皆大其事亦大皆小其事亦小

漢元年五星合聚東井以曆推之從歲星也此高祖
命受之符也故客謂張耳曰東井秦分漢王入秦
五星從歲星合聚當以義致天下秦王子嬰降於
枳道漢王以屬吏室玉婦女無所取閉宮封門還
軍次于霸上以候諸侯與民約法三章民无歸
心者可謂行義矣天之所予也五年遂定天下即
帝位以明歲星崇義東井為秦之明効也

四星合聚論

天文別錄曰四星若合是謂大盪其目六喪並起君子憂惶小人流亡

晉孝武帝太元十九年十月太白鎮星熒惑辰星合于氐占曰為亂飢為內兵至隆安元年王恭等奉兵顯王固宝之罪朝廷殺之是後連歲水旱飢

晉安帝義熙三年二月癸亥熒惑鎮星太白辰星聚于奎娄從鎮星也徐州分是時慕容超僭號于齊兵連徐兗連歲寇抄至於淮泗姚興譙縱僭號秦蜀盧循及魏南北交侵其五年劉裕殄慕容超

義熙九年三月壬辰歲星熒惑鎮星太白皆聚東井
從歲星也東井秦分十三年劉裕定閏中其後遂
移晉祚

三星合聚論

天文別錄曰三星若合是謂驚立絕行其国外內有
兵興喪百姓飢餓改立侯王

漢孝文帝後元二年四月乙巳水木火三星合於東
井占曰外內有兵興喪改立王公東井秦也是歲
誅反者周殷長安市其七年六月文帝崩

漢孝景帝元年七月乙丑金木水三合於張占曰外內

有兵興喪政立王公張周地今之河南也又為楚
至三年吳楚膠西膠東淄川濟南趙七國反吳楚
攻梁三國攻圍齊漢遣大將軍周亞夫等戍止河
南以候吳楚遂敗之吳王走粵攻殺之平陽侯敗
三國之師于齊遂伏其辜齊王自殺漢兵以水攻
趙城壞王自殺六月立皇子二人楚元王子為土
膠西中山楚濟北為淄川至淮陽魯王汝南為江
都七月兵罷

漢成帝河平二年十月下旬鎮星在東井軒轅南端
大星、尺餘歲星在其西北尺所熒惑在其西北

二尺所皆從西方來鎮星貫輿鬼先到歲星次熒惑亦貫輿鬼十一月上旬歲星熒惑西去鎮星皆西北逆行占曰三星若合是謂驚立絕行外內有兵興喪改立王公其下十一月丁巳夜即王頡大逆不道特柯太守立捕殺頡

晉惠帝元康三年鎮星歲星太白三星聚于畢昴占曰為兵喪昴趙地也後賈后陷殺太子趙王廢后又殺之斬張華裴頠遂篡位廢帝為太上皇天下從此兵亂連禍

晉懷帝永嘉六年七月熒惑歲星太白聚牛女之間

徘徊進退占曰牛女揚州分是后兩都傾覆而元
帝中興揚土

晉孝武帝太元十七年九月丁丑歲星熒惑鎮星同
在亢氏十二月癸酉鎮星去熒惑歲星侵合占曰
三星合是謂驚立絕行内外有兵喪興飢改立王公

二星合聚論

天文別錄曰凡五星木與土合為內亂飢水合為變
謀而更事與火合為飢為旱與金合為白衣之會
合閉國有內亂野有破軍為水太白在南歲星在
北名曰牝牡年谷大熟太白在北歲星在南年或

有或无火與金合為燠為喪不可舉事用兵從軍

為軍憂離之軍却土太白陰分軍出其陽偏將戰

與土合為憂主孽

魚列切
庚子

卿與水合為北軍用兵

舉事大敗一曰火與水合為淬

七肉切
染也

不可舉事

用兵土與水合為塵沮不可舉事用兵有覆軍下

師與金合為變謀為兵憂入太白中而上出破軍

殺將客勝下出客亡地視其所指以名破軍壞統

太白若與聞大戰客勝

漢孝文帝七年十一月戊戌土水合於危占曰為塵

沮所當之國不可舉事用兵必受其殃一曰將覆

軍危齊也其七月火東行、軍陽環畢東北而出
西逆行至昂即南乃東行占曰為喪死冠札畢昂
趙也後三年膠西膠東淄川三國攻齊國漢遣大
將軍周亞夫等戍止河南以候吳楚之蔽遂敗之

漢孝景帝元年正月癸酉金水合於婺女占曰為變
謀為兵憂婺女粵也又為蜚二年七月丙子火興
水晨出東方因斗牛占曰其國絕祀至十二月水
火合於斗占曰為卒不可卒事用兵必受其殃一
曰為北軍用兵卒事大敗斗吳也又為粵至三年
吳楚膠西膠東淄川濟南趙七國反吳楚攻梁

膠西膠東淄川攻三國圍齊漢遣大將軍周亞夫等戍止河南以候吳楚之敵遂敗之吳主亡走粵攻而殺之平陽侯敗亡國之師于齊感伏其辜齊王自殺漢兵以水攻攻趙城、懷王自殺

漢孝景帝中元三年正月丁亥金水合於甯鵬為白衣之會其五月甲午金木俱在東井戊戌金去木留守之二十日占曰傷城於鉞木為諸侯將行誅於諸侯也是時梁王欲為漢嗣使人殺漢臣袁盎漢案誅梁大臣斧鉞用梁王恐懼布軍入圍伏斧鉞謝罪然後的免

漢孝景帝中元三年十一月庚午夕金水合於虛相
去一寸占曰為鏹為喪虛齊也四年丙申金水合
於東井占曰為白衣之會井秦也五年四月乙巳
水火合於參占曰國不吉參梁也其六年四月梁
孝王死五月陽城王濟陰王死三月天子四白衣
臨邛等

後元二年五月壬午火金合於興星之東北不至部
出興星北可五寸占曰為鏹有喪興星秦也丙戌
地大動鈴然民大疫死棺貴至秋止

晉惠帝光熙元年九月鎮星與歲星合占曰鎮與歲

合為內亂是時司馬越專權於終以无礼破滅內
亂之應也十二月癸未太白合鎮星占曰為內兵
有大戰是後河間王為東海王越所殺明年正月
東海王越殺諸葛政等五月汲冢破焉嵩殺東燕
王八月苟晞大破汲冢

乾象通鑑卷第九十六

乾象通鑑卷第九十七

河間府免解進士臣李季奉

聖旨編

瑞星摠論

景星論

周伯星論

含譽星論

格澤星論

歸邪星論

天保星論

瑞雲氣論

景星論

天文志曰景星如半月生於晦朔朏月為明或曰星

大帶中空或曰有三星赤方氣與青方氣相連黃
星在赤方氣中亦名德星

古今星釋曰人君德通乎天則景星見各以其所出
之舍命國所在又曰人君德參于天則德星出石
申言德星出則天下和平

大象旁通曰景星之出如半月晦見則人君有德令
以及天下朔見則人君有德四夷咸服亦曰諸侯
入覲又曰不有納土必有來王又曰景星亦德星
也其占不殊

廣古今占曰天下大治則景星見鳳凰出景星晨出東

方其六十日有納土者夕出東方期百二十日星
星辰出西方期百二十日其國有大慶夕出西方
期二百四十日景星晨出南方期二百四十日大
興禮樂夕出南方期一年景星晨出北方期一年
有王者興夕出北方期二年又曰出晦則為福淺
出朔則為福源

河圖遺書曰景星之出常在有道之世其見也常係
乎朔晦之晨夕晦出則福淺朔出則福厚晨見則
疾夕見則遲

周伯星論

天文志曰周伯星黃出煌、然所見之國大昌

天文摠論曰星大精明黃潤而光澤曰周伯星出煌煌然所見之舍其國大昌亦曰天下和平則周伯見古今星釋曰周伯星黃色出見无特因其治道之昌則周伯見周伯之出也各以其舍命其國

廣古今占曰客星之名亦曰周伯星凡客星之為名則同考其形色出見及所占之事各異周伯之客星大而正黃色光耀煌、然不定而芒角若乍動乍靜見則其國兵起若有喪天下飢衆度流亡去其卿與瑞星之為名同其占則異也

含譽星論

天文志曰含譽星光耀似彗喜則含譽射

天文摠論曰含譽似彗而非其色黃潤而不動者是也又曰福鍾宗社則星含譽射

古今星釋曰含譽星光耀如彗而不炸其色黃潤而光澤者是也

格澤星論

天文志曰格澤星如炎火下大上銳色黃白起地而上見則不種而獲不有土功必有大客

古今星釋曰格澤星光澤耀似炎上之火從地起而

上見于天其下大而上銳其色黃而微白是星星
出五谷不種而熟

大象旁通曰格澤之出起自地而見乎天若色黃潤
而不散上銳下大者是己是星之見其下蓋地因
昌年為豐登歲其有若甲乙日見其國歲豐若丙丁
日見其下有慶事戊己日見有土功若庚辛日見
其下有大客若壬癸日見其下有受封者

河圖遺書曰格澤狀如炎火故曰格澤也上黃下白
從地上下大上銳見則不種而獲又曰不有土功
必有大客鄰國來者期一年二年又曰格澤氣赤

如火炎、中天上下同色東西竟天者於南北長
可四五里此熒惑之變見則兵起其下伏尸流血
期三年

歸邪星論

天文別錄曰歸邪如星非星如雲非雲或曰星有兩
赤彗上向有蓋下連星見必有歸目者

古今星釋曰歸邪星大小不等似星而非星似雲而
非雲一說謂光芒若彗其本有星一說謂其狀類
赤彗其光耀如赤雲廣若延布長竟天者是已
是星之出雜乎五緯之間其見无期其行无度占曰

歸邪見則其下有歸國者不尔有納土者

大象旁通曰歸邪星若彗之赤者光芒上向如彗然其本連星如杯椀大占曰歸邪出東方則東國入觀歸邪出西方則西國入朝歸邪出南方則南國入享歸邪出北方則北國來王

天保星論

天文別錄曰天保類流星其出有音如炬火下地野雉皆鳴天保也所墜國安有喜

古今星釋曰天保類流星其色正赤如炬火然其出有音即墜其墜地野雉皆鳴者是已占曰天保之

出所墜國昌亦曰有喜慶事

大象旁通曰天保星色赤如火落地有聲所墜國安
亦曰其野和平則天保墜

河岳遺書曰天保星春墜者其國歲豐夏墜在其國
益土秋墜在其下兵強國昌冬墜者其國君有德
令以及民

瑞雲氣論

天文別錄曰瑞雲氣一曰慶雲若煙非煙若雲非雲
郁、紛、蕭索輪困立作切是謂慶雲亦曰景雲此
喜氣也為太平之應也

廣古今占曰凡瑞氣之見非煙非雲而具五色者是
已一日慶雲一曰景雲皆氣之瑞在也是太平之
喜氣也是雲之出各隨象以命其國韓雲如布趙
雲如牛楚雲如日宋雲如車魯雲如馬周雲如車
輪秦雲如雲行如鼠齊鄭雲如絳衣